





弇州山人四部稿卷之四十五

吳郡王世貞元美著

詩部

五言絕句一百八十五首

衛河八絕

擊汰蕩金波流光起千鬣仰看雲間質如鈎帶殘堞

其二

河流曲曲轉十里還相喚那比下江船揚帆忽不見

其三

前望渡口驛行行轉相隔非關驛路移應是儂心迫



其四

十五誰家女紅粧嬌自多  
低頭浣衣坐不解聽吳歌

其五

欸乃櫓聲低來船坐自移  
無須苦相羨各有去來時

其六

人家半侵河屋後曬漁網  
夜深喚小婦篝燈聽波響

其七

青青河畔柳蕭索半無枝  
為是輕攀折非關贈別離

其八

人云風波惡風波信自惡  
生長在家鄉那得容燕落

戲為眼罩作一絕

短短一尺絹占斷長安色  
如何眼底人對面不相識

題畫

來時桃花口流水二三尺  
一夜春雨生森漫歸不得

其二

孤蓬知乍風寒壓澄江  
釣不見石室人萬樹傳清嘯

其三

愛此山中居清陰滿蘿薜  
飽飯無所為石上坐秋色

其四

手自斟濁醪醉卧泉聲裏  
月午醒始知微風落松子



飲華生茗

君携陽羨茶薦以中冷水高卧讀離騷林端月初起  
連中丞談詩夜歸題壁

縱有平生好密容貴客憐長歌欲自聽秋色五湖烟  
出門

出門見青山殷勤盡一別爾自知吾心悠然竟無答  
其二

稚子牽衣裾倉皇問何事芍藥春尚花官今去還未  
人日偶題

人日江南好風光梅柳新誰將故園日乞取去年人  
歲人日與  
輿輩賦詩

其二

出門看冰雪我我大地厚一夜東風吹宛然五楊柳  
其三

誰家採采女貂韜雙金鈿朱顏怕雨雪人日拜新年  
其四

平生徐與李南北共飄零北極逢人日南天指使星  
癸丑余以避地吳中登閭闔行戰地悵然有感  
北風吹海色飛上姑蘇臺欲問吳王事秋深麋鹿哀  
宮怨



昨夜君王來守宮辭殘血歡至方識愁玉堦盼春月  
其二

小日苧羅溪紅顏不自持入宮知見妬無地着蛾眉  
江口

江口安檣處孤舟盡日停秋雲無限好只傍蔣山青  
其二

似玉鱸魚膾橙絲縷更鮮徘徊欲下筇從此定何年  
阻風桃源

小驛維梢坐來帆自若飛不堪游興盡欲作向南歸  
林公不食書此惱之

野夫飽飯罷散髮卧南牕亦作降心計無心可待降  
偶題

女郎山頭石新婦磯邊水欲吐陽臺雲徘徊傍誰起  
教坊婦

小拂乾紅袖新聲十四絃不知頭已白猶唱想夫憐  
無題

七寶流蘇帳金鈿與定情十年春夢斷恍忽似前生  
題壁

康樂煙霞後長房日月壺有鄉皆是醉無谷不名愚  
春游



小雨桃花逕輕風杜若洲江南春事滿何處賸生愁  
閨恨

興慶坊前柳蕭郎手自栽藏鴉今漸穩只是不歸來

彈琴峽 在居庸

銀河落秋水飛峽自鳴琴虜馬遙相避君聽無殺心

夜宿碧雲寺

幽人夜無寐初月銜山閣不見月出光但見松影落

雨中 時方有哭子之感

平生不解愁雨落聽總好此際雨聲來沈沈北印草

其二

夜雨生白髮愴然青燈語日出愁更深應知不關雨

其三

夕陽鴉背寒暝色燈花落際以然身那能不悲作

天雄道中

參差荆中門出沒沙際語落日銜半規秋天避禾黍

其二

場中刈新穀屋後曬軟棗兒女貪看客群栖下相惱

其三

秋風吹將暮古道行跡稀愛此微陽色射我霜中衣

其四



道逢魏公子問客燕趙來悲歌不足聽酒人安在哉  
蚤發鉅鹿道中

驅車漳水外十里及鳴雞殘月低軍壘青天散馬蹄  
其二

太行一片雲裊裊復紛紛我欲俱收摘相遺邢使君  
靈巖寺朗公石

朗公一片石禮拜無寒暑彈指千偈終低頭竟何語  
鐵袈裟

問衣何自來祖師傳迦葉不悟曹溪春居然一方鐵  
雙鶴泉

雙鶴摩天去雙泉為誰久昨夜王喬過山僧爾知不  
證明巖

野夫如慧能隨緣就衣食勞師強證明本自無功德  
甘露泉

曾聞尼連河世尊舊浴處一灑青楊枝人間盡甘露  
錫杖泉

卓錫飛泉流人天大歡喜來既無心來止應何處止  
定公堂

定公創招提鑿破青山色惜哉不住心翻留有為跡  
魯般洞



竅石為幽居虛稱魯輸子三十六洞天天工定誰始  
送內弟魏生還里

莫以齊門缺悲歌盡日彈醉君衆落酒不敵郡齋寒  
其二

骨肉他鄉別干戈遠道心倘過揚子渡約畧較愁深  
其三

暫留同爾去此語若無憑好待尊絲熟應逢張季鷹  
其四

阿姊扶牀泣諸甥繞膝啼平安只兩字莫惜過江題  
謁臺還道逢海上宋使君戲贈

問君何為來問余何為返欲答兩不言青山去人遠

寄勉魏氏二甥

玉樹元雙挺鶴雛好並翻外家饒宅相若個魏陽元  
留客

吏事君休恠山城好閉門此生無長物但坐有清尊  
兼隱齋

為吏復兼隱吾以名吾齋昔人解嘲耳其隱安在哉  
西亭

昔邪寒不剪書帶綠如室過客雖自稀主人已非一  
雙栢



良宵坐來永念此栢下雪鶴驚時一過亭亭如孤月

小洞

翳茅石罅中肱卧呼不起却謂桃源人其深亦如此

雙鹿

空庭啗枯芟悠然亦相樂放爾長林中應思向來錯

雙鶴

飲啄行相引棲鳴炯自如主人飯脫粟爾莫歎無魚

古意

聽盡西宮漏踟躕不肯眠僊韶一派樂又過玉樓前

其二

薄命紅顏是傾城亦枉然君王七寶殿自擁少兒眠

其三

歌罷齊紈扇沈吟異代名自憐長信帚不是

主恩輕

記漢童謠

蹇人欲上山秦帝欲上天假令天可上地上少人烟

為僧題畫

別僧虎溪渡扶藜踏微月一笑春風來林花偶然發

其二

玉梁界鐵峽迸作摩尼珠不肯青山住飛流徧五湖



其三

蜻蛉檝頭船自度還度汝一夜曹溪風吹散黃梅雨

其四

我是王弘之得魚亦不賣新水上查頭綸竿竟何在

暑日見客

客自襜襖來我當科頭出語客幸勿嫌宋人偶游越

碧雲寺泉

碧雲長在天碧泉長在山誰憐卓錫後宛轉向人間

過于鱗郡齋分韻賦十二體得傍字

腰間轆轤劍錯莫無精光不是芙蓉淺純鈎北斗傍

二慕

少小慕書生書生良不易欲以徑寸心博他千古事

其二

少小慕俠客俠客良亦難寧將百歲擲不使片言寒

塞上辭

人言塞上老不恨塞上老但恨作別時握手太草草

春日偶成

丘壑殊無恙春風故不貧冥搜徒自苦處處是吾詩

吳江舟中送子與一絕得溪字

寶帶橋頭水曾通菴畫溪只愁歸路遠遲日未應西



又戲為周生代送得情字

今朝送遷客憔悴不勝情莫恠愁看鏡蛾眉世總輕

偶題小園

今宵高枕處白石含青蘿人喧雖稍息鳥聲其柰何

其二

蘿薜長自衣桃梅猶未色唯有東風來悠然酒中得

雜咏

儂家何處是舴艋太湖頭自識人間路秋聲會起愁

其二

寂寞何人問韶顏鏡裏紅亦知年未老無意向東風

灘亭逢王子作二絕

汝從秣陵來還向秣陵去惆悵不忍離隣鷄酒中曙

其二

繫榜灘亭柳呼樽且嘯歌罷官應不悔湖海酒船多

徐荊州過余兄弟不肯飲而留連金吾許夕

拜所走筆戲之

自擲雙魚後難將五馬留祇應金許宅一榻為南州

戲為乩僊語

昨夜蓋珠宮冰壺弄秋月不肯玉床眠鞭龍醉中發

調張助甫三絕



官薄無勞問居然張長公何如擲手板一棹五湖東  
其二

何限青山色當君對案時肯同山吏部長醉習家池  
其三

遷客真難作看人眼亦勞為言名士業飲酒讀離騷  
夏日抱痾十二絕句

支枕時自言斯人有斯疾老作一蠹魚殘編送餘日  
其二

傳聞三峽下白雪捲青天借得東隣水潺湲亦可憐  
其三

自然片語出却拾囊中遺歌罷還自賞安用他人為  
其四

曉夢鐘欲殘故人枕邊別武夷山上雲白雪樓中雪  
其五

雖攬千古書畏語千古事白日稍向西一事一垂淚  
其六

病在何妨暑科頭鎮日眠莫言踈筆硯不索賣文錢  
其七

世事久不聞偶傳北來耗遠志在東山一夕俱小草  
其八



西林貝葉編東林竹葉酒問我西來意翻云醉中有  
其九

客有攜枰者湛思入玄解忽悟歛子時人我俱安在  
其十

客是華陽館仍云雪上來野夫名已盡只愛自銜杯  
其十一

社酒鄉人至無言但一卮猶勝莫處士強我坐談詩  
其十二

長卿故倦游簾牀壁間挂但喚尤老來青山隨意寫  
弔張處士墓不至而返因簡幼于仲君

金閭十萬家盡醉吳山碧獨有王子猷迴撓墓田色  
其二

念汝廬居地藤蘿使徑迷祇應今夜栢重見夜烏啼  
郭山人六絕句

五嶽真形圖  
汝到瑤池西披圖問阿母二室三花間可着王郎否

杖  
僊骨日以輕何煩策扶老後夜驚雲飛棄龍在中道

衲  
一衲長挂身寒暑了不涉肯學沈湘人秋江緝秋葉

十一世經堂



歌

偶從清穎得乞食焦山僧一飽便無事却挂焦山藤

鋤

十年理芝畝鐵作青蛇文復伴遠游去山山鋤白雲

觥

時携一觥酒獨向花間醉不分汝南翁春風自天地

彭城道中

盡日山中行謂是山中客及逢往來者總負茲山色

道過一嶺曰米花村其名頗雅因為成一絕

夾溪黃葉路三戶米花村卓馬須臾事寒山日掩門

東明道中木冰甚

濃霜中夜零千林成霧淞却似江南時梅花惱清夢

其二

鮫淚滴青天萬樹珠相亞惟應拙宦人不作達官怕

應在明中大水後問之

可憐赤城霞釀作石梁水一郡垂欲魚卧龍猶未起

朔日邑送薪盈庭感而有賦

匏繫何煩惜膏明也並燒積時甘在下炊後始知勞

其二

本是爨下材叨君一分直不惜捐此身為君佐鼎革



其三

念汝焦頭近憐余束濕同不才豈梁棟亦使秋山空

其四

只愛樵歌好那知有殺心分無焦尾日世自寡知音

往返錢塘江戲為問答

九月錢塘浪無風也拍天儂今渡江去為復住江邊

其二

朝指蕭山驛暮喚錢塘渡儂身不屬儂却似商人婦

有感作

世情令我出世事令我歸出處不關我安能論是非

題寒潭圖

萬木俱避榮寒潭吐幽潔悠然見天根群悴還成悅

題雜畫

白雲橋之上流水橋之下策蹇不肯前蒼龍峽中挂

其二

雲作斷續峰煙為濃淡樹借問此中人寧知此中趣

其二

山色猶未斂藹然斜陽赤時有漁父來不妨一爭席

其四

濃碧蔭清漪可能不流昧釣自不得魚得亦不肯賣



其五

天河一夜雨染盡郊原綠頗恠出山雲時能礙游目

其六

儂愛峭帆風身愛且從容溪山任濶狹面面青芙蓉

其七

衡門晝長掩春草綠於積倘有問字過朝來見行跡

其八

秋氣自蕭索秋山殊不貧丹楓與翠栢往往媚行人

其九

白雲不肯住裊作出山狀中有朱衣人可是山中相

其十

嵯峨插天峯偃蹇據地松峰那不出雨松已欲成龍

其十一

一樹兩樹丹千峰萬峰白無處覓酒家孤舟采寒碧

其十二

遙岑吐飛瀑如瀉銀河水本自愛人間翻落白雲裏

題紫筠居三絕

過雨千林濕高齋色自肥籜龍一夜長片片紫雲飛

其二

新篁節未解已作干雲碧偶然三徑開錯擬揚雄宅



其三

長素夙有尚自與此君宜不獨堅貞在燕令俗可醫

襟夢三絕句

夢三日而應

夜來寢失官青山色為動無那夢醒時此身還屬夢

其二

夢飲薊門酒忽復還鄉國猶勝覺後身匏繫太行北

其三

夢讀老親書醒來無一字稍覺孤枕寒惟殘兩行淚

江籬館十絕句為朱鴻臚在明題

松齋

鬱鬱齋畔松稷稷松下風儂如陶弘景日坐松風

雪廊

三步五步廊千株萬株雪阿大故濯濯與雪鬪清絕

石塢

壘石為環堵主人長作主行遍咸陽西誰識黃金馮

江雲樓

高樓風不閉半欲藏江雲試問江干客或有雲中君

筠房

脩竹不愛碧潤我牕中人欲知春雲坼寸寸吐龍鱗

快閣



披襟稱快哉天地雄風來何似金莖未吸取露一杯  
疑香室

湘簾靜不捲芳篆縈如絲借問僊省吏得似今香時  
嘯臺

欲與天籟爭披雲獨箕踞忽作鸞鳳音嘈然徧千樹  
鶴院

雖甘稻梁美終愛雲霄去蕙帳猶未空翻成且須住  
雨花菴

兀坐淨名身時談香積因如花兩僊女知是散花人  
黃生填撫南牧馬所賦二絕句送之

石過騰越峰駿骨隨龍化倘遇千里駒莫惜千金價  
其二

調弓射堂下戲馬臺城側莫作王騎曹拄笏西山色  
題小景

北垞帶南垞前帆銜後帆欲知何處泊斜日在松杉  
憇徐少卿墓

宿草封雲壯高杉背日寒客來無劔挂事往有琴彈  
題繡毬花

暫以碧雲色微籠春月圓拋人暗香裏誤馬軟塵邊  
題畫蘭花



處為幽谷香出為王者端不同百草歸秋風紉成佩  
江行雜詠

初出京口

楚歌一聲發吳儂雙淚漣武昌應尚遠船是武昌船  
夜泊蘆夾迴望燕子磯

風吹浩蕩去却在蘆江湄燕子磯頭月清光當待誰

泊金陵

不登鳳皇臺為怯李家句聽說長干兒朋尊向臺去  
初發石頭

亭亭遠山色入我船牕來闕語雖不競那無酒一杯

烈洲在江中樹頗多

鬱鬱烈洲樹宛然江水間行人自不上妬殺道金山  
牛渚即采石也

玄暉既道往李白時一振請看滄江流萬古才不盡  
宣城道中阻水不得上

夜不聞白猿朝不見白鷗皆太白詩中語忘却下江水錯恨

戀舟山

東西梁山一名天門山在江中

東梁與西梁鬚鬚雙虎頭可憐長江水分作川字流  
病中過銅陵遇雨



江館能收望漁磯亦罷留誰憐伏枕客風雨過銅陵  
歷陽道中阻風

進步咫尺間一落不復上安得勒將軍為我牽百丈  
江行熟無魚買戲成

十日不嘗魚九日不却暑願作西南風吹儂轉鄉土  
余嘗夢登九華陽山磯可以見九華而病熱昏

寐竟過志感

九華九子秀十年夢寐間那知一夢覺頓失九華山

過馬當

人云下元府莫作馬當看自有天公仗那能問水官

安慶道中

平波細若剪遠岫膏於沐嗒坐舫齋中空翠時一撲

過皖城

不問江南北江風任往還杯中是何物青峭皖公山

和尚磯在采石道士袂在蘄水小孤中立焉

東是和尚磯西看道士袂那能教小姑不就彭郎宿

祭小孤神祠作

小孤有神祠亭亭大江中行人俱賽祭那得往來風

彭澤顏明府來謁

偶然折腰罷滿路青山看却咲陶彭澤何因便去官



過潯陽

功名侮余甚厭之不能舍試問廬山峰可曉白司馬

望大孤山

人言大孤醜不及小孤妍若向鄱陽去南風也繫船

神鴉

神鴉向千載依然少陵句不學栢臺烏臺遷烏亦去

至李坪驛始見竹筏上居民連亘三十餘家云

隨流上下作簞沿板行販

何必問故鄉浮家任儂住一夜便風來盡呼鄰里去

入黃州

青衫曳地行雙眼鼻端看此豈翫世人憐為世人翫

青山磯

武昌在前頭逡巡不肯去為愛青山磯且對青山住



弇州山人四部稿卷之四十五

弇州山人四部稿卷之四十六

吳郡王世貞元美著

詩部

五言絕句三十七首

劉太常亟言大城令忽君之賢也其善狀非一  
至禱雨立澍矣予聞而賢之為賦四絕句

試按扶風部應先數大城神依灌壇令民頌東先生

其二

自是神君雨那因少女風河陽萬壠綠千樹亦爭紅

其三



霖霖沾衣樂滂沱破塊寬好星元有雨星是漢郎官  
其四

汝禱亦已久六事無可責密雲天際來宛然衆林色  
過息題息媯

君王愛侵地賤妾偶酬心欲竟無言恨那堪言外深  
買鷄

兒童愛春懶為買汝南鷄不曉幽人意翻令拂曙啼  
鄭陽偶成

坐見斜陽影離離西過楹問愁無可答底是少心情  
其二

驂作中年身都無快心事不知筋與骨何處將衰至  
茅阜峰

茅君顧我咲誰校從官多欲語囊中秘其如六耳何  
健人峰

共工觸不周二巨靈擘太華何似此健人立石天門下  
繫馬峯

天馬走長空茲峰偶一繫萬象欲現時聊將繫吾意  
滴水巖

一滴一露珠病渴猶恨少倘借行雨翁前村成浩淼  
隱僊巖



真僊不住山那有山中跡同是謫僊人相逢不相識  
風巖

一決土囊口居然萬壑同人應自寒暑風不解雌雄

獨陽巖

朔風寒不盡慘淡結浮陰念此閉關日悠然天地心

凌虛巖

希夷誦經所

誦經凌虛臺留骨希夷峽何似學劉伶未死先荷鍾

榔梅嶺

人言榔梅亭真果已堪証無奈老饕何只愛蘇家杏

青崖

斷崖數千尺隱然一輜輶即看搖落候不改芙蓉青

瓊臺

當時受冊地今日瓊臺宮阿母瑤池色能如晚照紅

淵默亭

茲亭字淵默我憇亦何言忽有天門闕森然帝座尊

試心石

陡出三尺崖下臨千尺地道人呼試心無心可將試

試劍石

我有昆吾劍不將持試石白壁隱荆山剖出長虹色

磨針澗

磨針澗



鐵杵磨作針白石化作金還憐磨杵客不勝化金心  
蒿谷澗

野蒿長如人菖菘亦不離我欲構一區為延張仲蔚  
金鷄澗

遙望鷄鳴峰神瀆湧如射時聽金鷄聲人間道天赦  
摘星橋 即會仙橋

夜半橋上星如螢拂衣袂為摘歲精來欲驗偷桃事  
閒居無事偶臆古人恒語成聯者因以所感足  
之不論其合與否也

所聞而來何所見而去人自不關身身有關人處

其二

前不見古人後不見來者此事久已然如何初涕下

其三

蘭以香自焚膏以明自煎崑岡一失火頑石未聞全

其四

我自用法卿自用卿法卿法多愛憎我法無生滅

其五

莫言一種物雙名亦易曉處則為遠志出則為小草

其六

有情癡故佳無情黠亦爾瑯琊王伯輿終當為情死



其七

人言阿龍超阿龍故自超濟南一下語北地不成驕

其八

法護非不佳僧彌難為兄長安噉名地語語蘭芬生

其九

有兒不明經好讀子與史仲容已預之卿不得復爾

其十

解綬還神虎買舟向吳會冷如鬼手馨強來捉人臂

鄭府偶成

濁酒杯誰共殘燈影自親不應開閣後千騎上頭人

六言絕句一百首

偶成

游絲自縈白日疾羽忽界蒼烟先生中酒難起卧讀

南華幾篇

戲題燕市所見

繡帽緹騎爭道雕欄貴人索錢群兒馬通自給小婦

牛飲高眠

其二

相君築堤西弄詞客待詔公車鳴騶定先宿鳥彈缺  
不愁無魚



游薊城樓

登危不妨蠟屐踞坐自側烏紗鐵嶺高天一線漁陽落日千家

其二

青草春間突騎黃雲晝慘穹廬揮鞭畫蒲類海立石封狼居胥

秋日過于鱗郡齋分韻賦十二體

使君盡酒不醉郡閣先秋自寒乾坤乍容車馬湖海漸入衣冠

有聞

鳩言余以不好鵬語余以其期西山白雲自若東市黃犬何之

順義公署雜興

歸雲小樹先暝啄雪殘鴉自喧候吏強名栢府濁醪故作柴門

其二

架上道書數卷牀頭濁酒一瓢不作莊叟齊物咲他嵇生絕交

其三

空庭積雪無恙小牖青山自如何物消除官廩呼兒



點檢琴書

風寒濟南道中兀坐肩輿不能開卷因即事戲  
作誹體六言解悶數之政得三十首當喚白家  
老婢讀之耳

有論已乖養性無書自成絕交且從李耳視舌不與  
陶潛鬪腰

其二

狗監故知犬子太玄自守童烏任他出山小草甘老  
東吳菰蘆

其三

安第策名京兆嚴君奏捷未央不才也能隨例二年  
管領長槍

其四

無思無為足矣不咲不取何居生兒但識丁字慎勿  
讀父之書

其五

但誇酒賢酒聖莫論錢愚錢神為龍為蛇亦可應牛  
應馬誰真

其六

小驛殘茅短籬偶爾濁醪一卮却似區區天地野夫



寄此何為

其七

趨府不休自憐人生幾許流年不羞挂名牛後所恨  
望塵馬前

其八

丈人石畔雲起女郎峰頭雨來可怕千秋望斷只愁  
風橫吹開

其九

薄薄斜陽剩照輝輝殘雪留姿天公任汝搬弄畢竟  
能過幾時

其十

賀監八旬捨宅白傅六袞分司那知七百年後笑殺  
李家小兒謂于鱗也

其十一

莫言無下筋處二十七種菜鮭自勸自斟佳客一丘

一壑人家

青陽驛在山水間

其十二

何用勞他白僕喚來將伴朱提去日薰猶莫恨到時  
還隔雲泥

其十三



袖中束書數卷車後挂酒一瓢任爾風塵度日猶勝  
政府逍遙

其十四

哥舒明駝難得道將快牛未逢借問長安相府何如  
兼領司農

其十五

檀氏沐猴無恠謝郎鸚鵡更工爲語當筵鮑老莫笑  
欽明八風

其十六

華不注何崎嶇青天削立峰岑寄語三周鐵騎其如

一杖登臨

其十七

飯罷從容捫腹汝胡許大乃爾詩書淘洗欲盡空空  
如也而已

其十八

冠蓋人人白雲生涯處處青山莫恠攀龍任誕王生  
猶落人間

其十九

離騷未稱佳士莊叟竟不異人乞取楞嚴一卷消除  
幾日殘春



其二十

欲雪千山自暝將風萬樹知寒償債半生車馬誤人  
一世衣冠

其二十一

衣冠是處故人不如一吳國倫七品十年不賤千金  
片語那貧

其二十二

脩脩檜栝風驟藹藹衆榆日斜莫恠牛羊不下中峰  
自有人家

其二十三

曹公治蜜何意丙相問喘莫論止是輸他兩吏歌呼  
復吐車茵

其二十四

明年罷官歸去山田不論俸錢三山六水任意兩粥  
一飯安眠

其二十五

車公一言拜相李廣百戰不侯自是人間常事莫將  
造物追求

其二十六

泣麟思鳳且止怨鶴驚猿莫論問君幾許經濟拋擲



蘇州山人集卷之四十六  
驃騎車門

其二十七

既少桓譚數語又無侯芭一人胸中萬卷何用到了  
還他渾淪

其二十八

何必陶公能賦杜鵑也歸去來生寧與雀等伍死不  
呼醜為媒

其二十九

世事一清一濁人情有愛有憎胸中八九雲夢何勞  
瑣瑣淄澠

其三十

富不如貧魏擊生不如死曹涂片語千秋萬古兩袖  
三江五湖

即景二首

平林鳥鷺新月小巷犬吠松聲主人酒酒未解稚子  
也倦逢迎

其二

斜陽遠山一抹流水桃花幾灣檝頭受風欺住缸面  
且自偷閑

醉後放言



快哉老伶荷鍾至竟還輸一籌死亦不須埋我教他  
蟻樂鳶愁

其二

神僊自有官府朝市翻誇隱淪何用爲渠評騭醉鄉  
且住逡巡

其三

杖頭一瓢共飲但醉莫問姓名無才無德老子半癡  
半點先生

其四

秫田七百斛米屈指未了殘年東家新醕正熟耐可

甕畔酣眠

舟行即景

落鴉千點萬點流水一灣幾灣漁燈南垞北垞鳥道  
前山後山

謝吳總兵贈白苧幃

不須元帥武帳敢學中郎絳帷領取新秋白苧睡醒  
瑤臺露晞

夏日偶成不復倫次共得廿首復作長山道中  
故事耳

一貴一賤轉眼得意失意片言丈夫自管六尺莫擬



輕受人恩

其二

眷屬偶然萍聚此身亦是蓬飄從他千古萬古何異  
明朝乍朝

其三

為問夾轂周道何如耦耕老農六州鐵鑄成錯一尺  
布尚可縫

其四

穀秬不如稗成貴死不如賤生東家送喪鼓吹西家  
嫁女哭聲

其五

在山亦名小草辭釣却喚陽鱈何似一群鸞鶴飽喫  
鯁鱠狎霄

其六

小人請學為圃愚公始愛移山不至終身錢孔似勝  
天下轍環

其七

劉項蝸角千里彭聃蜉蝣片時唯有騰騰酒睡喚作  
小劫須彌

其八



右丞輜川勝地少傳履道新居此生大堪假息身後  
豈必吾廬

其九

法書名畫古鼎詩卷茶鑪酒鎗人呼六一居士自號  
烏有先生

其十

試茶初動蟬眼臨帖更畫烏絲啜罷冷淘槐葉微吟  
雙調柘枝

其十一

姓名琬琰四海文字金石千秋祗堪曳尾沙畔那可

跨鶴揚州

其十二

湖田未論厚薄頗堪伏臘之資吾意無可不可世途  
已而殆而

其十三

車公一言拜相司馬三賦為郎既與此人同世取舍  
更自茫茫

其十四

握管頗成快事銜杯差不讓人何曾在下援上亦否  
辭富居貧



其十五

重權一佩六印巧宦十至九卿八十日陶彭澤福薄  
苦要歸耕

其十六

時事十羊九牧世情暮四朝三莫憂深源難起自信  
中散不堪

其十七

有子萬事非足無官一身不輕僊人自来忍辱居士  
難矣淨名

其十八

脩羅怨為兵刃調達謗作笙歌大梵天宮自在光明  
不照娑婆

其十九

黃雀入水為蛤青鳩乘春化鷹升沈偶然所遇強弱  
豈爾之能

其二十

踰冠已叨銀艾三十謬領金緋總就迴波六字唯向  
君王乞歸

題梅卷贈虛上人

羅浮寒玉千樹折贈闍黎一枝欲識西來真意暗風



吹到軍持

其二

隴頭玉笛吹遍哀響不到僧家為問阿師微笑世尊  
拓示天花

戲題

詞林豈必陽九世路自足朝三雞肋棄之有味羊腸  
欲上不堪

其二

蹉跎顏鬢雙鬢落魄高陽一身彈章亦合文苑除日  
終疑酒人

再題

三十年前塗抹二千里外折腰磨蝎當宮合賤雕蟲  
小技誰驕

其二

臨邛眉弩小事長沙賦鵬胡云那用爭他絳灌歸來  
咲擁文君

阻風黃石磯

桃葉江南江北桃花千山萬山捲簾但看白浪沽酒  
不減朱顏

其二



長江宛如白龍怒起鱗甲千重唯是江頭山色居然不改芙蓉

壘字峰

千尺霞燄爛數行雲篆橫斜莫驚此峰壘字西去水亦成巴

金鼎峰

十年文火武火一夕星飛霧飛惆悵雲臺夜色子春獨自東歸

雲母巖

朶朶傲風雲葉層層薄日霜華傳得彭翁餼法移來

此地為家

黑虎巖

何事山君變服拜首玄武行宮不憂西華白帝可怕東海黃公

白龍巖

朝來卯色初動白雲四馳不寧疑是玉龍行雨滿山鱗甲崢嶸

硃砂巖

毋煩安期遣信何用勾漏遠尋方寸不生凡火大地盡作黃金



欽火巖鄧天君修真之所

五十餘年清淨一念欽火纏糾却似班生投筆虎頭  
燕頷封侯

皇后巖 太子巖

太子宛如悉達皇后亦似摩耶一卷西來勘罷五斗  
無復生涯

妙花巖

六銖姹女天衣貪散天花不歸我醉露眠巖側滿身  
花雨霏微

萬松亭

蘇門山人坐嘯華陽隱居卧游嘈然數部鼓吹猶自  
傳響山頭

龍泉觀

摩天群峭石骨護壁萬綠松髯過橋泉聲忽怒破竇  
風意時尖

烏鴉廟

不學淮南雞犬一時相隨上天試問叢祠受賽何如  
江畔迎船

僊基石

山中爛柯樵者世上負苟先生最是聖凡難別欲煩



橘叟題評

雙溪澗

一泓蠙眼吐沫雙澗燕尾分流人道渭清涇濁俱從  
天柱西頭

飛雲澗 瀑布澗

急淙瀑布千丈飛雲冒絮百重更許殮霞煮石山人  
衣食從容

天池

天上莫疑銀漢池底亦自青天白雲徐動玉皴明月  
初起珠圓

鄭中雜言八首

晨興兩堰脫粟逼暮三杯濁醪幸不妨他黃卷猶堪  
拖故紫袍

其二

乍雨乍晴天色自開自落花枝蟻浮誰賓誰主蛙吹  
為公為私

其三

上書時時不報往事忽忽自嗔腰間有骨為祟眼底  
無計藏身

其四



鄖山排坐西入漢水遶郭東傾話來頗令神爽飽看  
何曾眼明

其五

塗鴉半成梵字為蠹三食僊名虞初稗官使者摩詰  
竺乾先生

其六

晚得一城斗大云胡不游漢隄見說宜城酒薄小兒  
未解銅鞮

其七

無才癡頑老子強學解事小兒吾未如之何也胡不

歸去來兮

其八

雨餘殘果自墮日落倦鵲爭喧手携南華一卷不妨  
坐待黃昏



舟州山人四部稿卷之四十六

二十世經堂刻





